

sed particulariter post lapsum David. Nemo autem hominum post lapsum universaliter ex lege, ne coram homine quidem, nedū coram Deo justificatur *a*: Sed quotquot justificantur coram Deo, Evangelicā justificatione justificantur, quā Deus omnibus in Christum credentibus ex mera misericordia gratis absq; operibus aut meritis propriis non imputat, sed remittit peccata: imputat verò justitiam propter Christi obedientiam seu meritum fide nobis applicatum *b*. Haetenus de justificatione.

a Psa. 1143.

b Rom. 5.
N. 5. 6. 7.

8 Sanctificatio est pravitatis abolitio, imaginisq; Dei per peccatum amissæ in justificatis fide instauratio: quæ per Spiritum sanctum virtute passionis & mortis Christi in hac vita incipitur, in altera verò vita perficitur *c*.

c Luc. I.
N. 75.

9 Consistit autem sanctificatio in duabus partibus: mortificatione carnis seu veteris hominis, quæ est tristitia secundum Deum, efficiens resipiscentiam ad salutē in justificatis fide: & vivificatione spiritus seu novi hominis, quæ est illuminatio mentis, renovatio voluntatis, & purificatio cordis, acquiescentis & lætantis in Deo per Spiritum sanctum, cum serio novæ obedientiæ studio conjuncta.

10 Restat ultimum Christi beneficium

C V